

sum, Pergite, inquit, ut haecenus: non est vobis ablata prorsus vestra authoritas: absoluite reliquos articulos, cēsuram vestram apponite, & afferte. Vana illa cōsolatione, tametsi nō prorsus vana, recreati, temperant à lachrymis. Lutetiam reuersi, tanquam re bene gesta, preces solennes indicunt venerando ordini, templum Virginis adeunt, vlulant, prædicant, auscultante me à tergo cōcionatoris, quod nō putabāt: futurū sperātes ut de reliquis illis articulis prorsus taceretur. Interea tantum effecerant ut Bibliorum veditio cōticesceret ad tēpus. Episcopi & Cardinales receptos articulos XLV p̄cōferūt. Per totā aulā diuulgatur nihil inesse mali, præterquā fortasse in quinque aut sex, qui calūniæ obnoxii essent: nō tamē carerēt idonea excusatione: reliquos tolerabiles esse & catholicos. Vbi hæc audio, vrgeo quātum dat Dominus, ut reliqui mittātur. Præcipit Rex iterū atque iterum, etiam pœna adiuncta, ut afferantur. Videte quā deplorata sit eorū peruicacia. Tergiuersantur quoad possunt, reputantes, Si tale de prioribus articulis fuit iudicium Episcoporum & Cardinalium (quos tamen tanquam in-